



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

lactantia.

urn:nbn:de:hbz:466:1-30427

neficiati, quam religiosi, debent dicere in choro, nisi ex iusta causa dispensentur. 92. d. c. vlt. & quando ex contemptu, vel quando ecclesia multum, vel notabile damnum incurreret, ex eorum absentia, & non haberent legitimam causam, mortaliter peccarent, per dict. capitulum. *fin.* ubi dicitur, quod qui non conuenerit, deponatur a cleto, quod non fit, nisi propter mortale. Si autem sine contemptu, & ex causa hoc faciant, mortaliter non peccant, ex qua causa, praelati possunt dispensare in hoc, dummodo in priuato dicant.

¶ *Q* v. i in choro existens, suum verbum submissa voce dicit, alterum autem audit, secundum Caietanum, ibi, non satisfacit, ergo mortaliter peccat, si non replicat. Tabu. autem ibi. §. vlti. tenet, quod satisfacit. Prima tamen opinio innititur bonae rationi, quia talis sic dicens non communicat cum alijs in choro, & consequenter totum officium non dicit, ut praecipitur in d. c. presbyter. de cele. miss. Alij fundant se super consuetudine, quae si extat, nescio, imò videtur oppositum, quod fere omnes alta voce dicunt, qui possunt. Mihi magis consonat opinio Caiet. quia super meliori ratione fundari videtur, ut praecipio satisfaciatur.

HOSPITALE.

HOSPITALE constructum absque autoritate Episcopi, & deputati ad hospitalitatem viuente aedificatore, potest ad humanum usum redire, secundum Pan. id. ead. hanc. de religio. domi. Licet enim cuicumque de domo sua facere hospitale, & si placeat, trahere ad statum pristinum. Ad hoc facit c. inter dilectos. de donatio. Secus autem est, mortuo aedificatore. authentic. de ecclesiastic. titul. §. si quis aedificationem. Intellige nisi aliter ante mortem ordinasset constructor, quod executioni mandari debet, ut in dicto. §. si quis. Hospitale sine autoritate pontificis, etiam cum oratorio construipotest, secundum Hostiensium, sed non debet ibi cele-

brari sine autoritate episcopi. argument. in capitulo vniciusque. de consecratione. distinctione prima. & hoc putat verius. Panormitanus allegat textum capituli. inter dilectos. de donationibus, secundum vnam lectionem. Et idem Ioannes Andreas post Vincen. & Tancre. An hospitalia ad episcopos pertineant, & quis eorum possit esse rector, quia hoc magis ad forum exterius pertinet, quam animarum. vide Tabu. & Sil. ibi, quia copiosis tractant. Ego autem pertransco. Hospitalium rectores, si redditus hospitalium in pios vsus non expendunt, excusationem non habent. Ad hoc enim deputati sunt.

IACTANTIA.

Iactantiae peccatum incurritur, quando quis se plus quam sit, ut appareat verbis extollit, secundum Thom. secunda secunda. quae st. 112. Est enim species mendacii, ideo iuxta naturam mendacii, mortale, vel veniale iudicandum est. Similiter quia iactator non solum mentitur, sed se laudat, ideo attendendum est, an talis laus sit pernicioosa, iocosa, vel officiosa. Tertio, est arrogantia, quam similiter oportet considerare, an sit pernicioosa. Quarto, est lucrum, quod quandoque quaeritur, & tunc considerare oportet, an sit proximo nocivum notabiliter. Quinto, est gloria, de qua oportet videre, an in ea constituatur finis. Sexto, est vanitas, quae communiter venialis est. Quando ergo iactantia pernicioosa est notabiliter proximo ex intentione, aut de aliqua materia contra Deum, vel proximum mortalis est, alias venialis, secundum Caietan. ibi. Et secundum Greg. ponitur inter species superbiae. Et si iactantia proprie in dictis constet, tamen quandoque in factis inuenitur, quando scilicet facta vim verborum habent.

IDOLOLATRIA.

IDOLOLATRIA, qua per exteriora signa alteri quam vero Deo diuinus cultus exhibetur, peccatum mortale est, quia creaturam creatori equalem